

1894 - Terminaziun dalla Rufna/Baglieglia

Semeglionts cedels sco cheusut san esser da muntada. In ei staus impurtonts igl onn 1894 e suandonts. Ordlunder vegnevan mo quels che duvravan ils tiarms e quei tunscheva per buca vegnir en carplina. - Tiarms duvrava ei per la conoivenza. Zacu han quels tiarms giugau negina rolla pli ed ina impurtonta terminaziun ha piars tutta valeta.

La Rufna, quala? Ei dat treis da quellas, la Rufna da Tschamut, quella a Valtgeva e quella da Giuv. E Baglieglia?, setracta ei cheu da Be(i)gliel? Ni deva ei ina Rufna Biglieglia?

Rufna

Ils tiarms mess en ils 25 d'uost entras statalter Gion Paul Berther e Duri Berther.

Baglieglia

Terminaziun orasum **Baglieglia** si e giu fatga ils 5 da november 1894 tras Gion Paul Berther e Duri Berther.

Rufna/Baglieglia 1894
Tiarms mess
 No 30 in tiarm en in crap 18 m distanza de No 35.
 No 31 ei 12 m davos da No 30.
 No 32 ei 34 m distanza en oragiu da No 31, ei in tiarm mess en ed ei treis m dadora in grep.
 No 33 ei in tiarm en in crap stabel, ei 40 m distanza da No 32.
 No 34 ei in tiarm mess en, ei 41 m distanza da No 32.
 No 34 ei in tiarm mess en, ei 41 m distanza da No 33 e denteren aunc ina crusch en in crap.
 No 35 in tiarm mess en 29 m distanza da No 34.
 No 36 in tiarm en in crap, 18 m distanza da No 35.
 No 37 ei 50 m distanza da No 36, ei in tiarm mess en.
 No 38 ei 48 m distanza da No 37, ei in tiarm mess en cun aunc ina crusch.
 No 39 ei 40 m distanza da No 38, ha in tiarm mess en.
 No 40 in tiarm mess en, ei 30 m distanza da No 35.
 No 41 in tiarm mess en, 28 m da No 40.
 No 42 in tiarm mess en, ha 31 m distanza da No 41.
 No 43 ei in tiarm mess en, ei 40 m distanza da No 42, denteren ina crusch sin in crap.
 No 44 in tiarm mess en, ei 30 m distanza da No 45.
 No 32 ei 34 m distanza en oragiu de No 31 ei in tiarm mess en ei treis m dadora in grep.
 No 33 ei in tiarm en in crap stabel ei ei 40 m distanza de No 32.
 No 34 ei in tiarm mess en ei 41 m distanza de No 33 e denter en aunc ina crusch en in crap.
 No 35 in tiarm mess en ei 29 m. distanz de No 34.
 No 36 in tiarm en ei 18 m. distanz de No 35.
 No 37 ei 50 m. distanz de No 36.
 No 38 ei 48 m. distanz de No 37.
 No 39 ei 40 m. distanz de No 38.
 No 40 in tiarm mess en ei 30 m. distanz de No 35.
 No 41 in tiarm mess en ei 28 m. distanz de No 40.
 No 42 in tiarm mess en ei 31 m. distanz de No 41.
 No 43 ei in tiarm mess en ei 40 m. distanz de No 42.
 No 44 in tiarm mess en ei 30 m. distanz de No 43.
 No 45 in tiarm mess en ei 30 m. distanz de No 44.


Entschiet cun nr. 31 ch'ei 12 m davos da nr. 30.
 Nr. 32 ei 34 m distanza en oragiu da nr. 31, ei in tiarm mess en ed ei treis m dadora in grep.
 Nr. 33 ei in tiarm en in crap stabel, ei 40 m distanza da nr. 32.
 Nr. 34 ei in tiarm mess en, ei 41 m distanza da nr. 32.
 Nr. 34 ei in tiarm mess en, ei 41 m distanza da nr. 33 e denteren aunc ina crusch en in crap.
 Nr. 35 in tiarm mess en 29 m distanza da nr. 34.
 Nr. 36 in tiarm en in crap, 18 m distanza da nr. 35.
 Nr. 37 ei 50 m distanza da nr. 36, ei in tiarm mess en.
 Nr. 38 ei 48 m distanza da nr. 37, ei in tiarm mess en cun aunc ina crusch.
 Nr. 39 ei 40 m distanza da nr. 38, ha in tiarm mess en.
 Nr. 40 in tiarm mess en, ei 30 m distanza da 35.
 Nr. 41 in tiarm mess en, 28 m da nr. 40.
 Nr. 42 in tiarm mess en, ha 31 m distanza da nr. 41.
 Nr. 43 ei in tiarm mess en, ei 40 m distanza da Nr. 42, denteren ina crusch sin in crap.
 Nr. 44 in tiarm mess en, ei 30 m distanza da nr. 45

1894 - Lenna giul Fop Claus

Sentenzia

En caussa dalla lud^a vischnaunca da Tujetsch contra Lezi Giacomet e Thomas Schmid a riguard la damonda per ina formala scumandada ufficiala a Giacomet e Schmid da pinar lenna giul Fop Claus sut la via che meina a Cavorgia ed allontanar la schon pinada.

Sentenzia dils 20 da fevrer 1894



1894 - radunonza da vischnaunca dils 4 da mars

Porta il president avon alla radunada vischnaunca la cuntraversa naschida denter quella contra Tumaisch Schmet e statalter Leci Giacomet pervia dil dretg da possess d'ina grava a **Claus**.

La vischnaunca incarichescha ina cumissiun cumponida ord ils signurs Gion Battesta Monn, Lurenz Giacomet, Gion Paul Berther, Cristian Muggli e la suprastonza da predeliberar e rapportar ad ella da quellas varts.

1894, ils 4 da zercladur

Unanimamein concluda la vischnaunca da far ils necessaris pass da dretg en la dispeta cun signur Leci Giacomet e Tumaisch Schmet pervia dalla grava a **Claus**.

1894, ils 24 da zercladur

La cunvegientscha fatga en la dispeta da **Claus** denter l'elegida cumissiun cun Tumaisch Schmet e Leci Giacomet ei dalla vischnaunca vegnida approvada.



1895 - Uorden dallas alps

En in ritmus da tschun, ni diesch onns, vegnevan ils uordens d'alp repassai e renovai. Ina cumissiun che cumpigliava umens da tuts vischinadis prendeva enta maun quella lavour. La participaziun da tuts vischinadis vegneva risguardada e praticada el ver senn democratic. Ils umens vegnevan integrai el process da crear novs regualtivs ed uordens. Aschia saveva ina cumissiun dumbrar denter 10 e 15 umens. Cun seradunar ina gada ina dumengia suenter messa, stueva ei tonscher e gia l'autra dumengia sissu vegneva mess avon alla radunonza da vischins sil plaz Cadruvi.

1895, ils 15 da december, ei stau stabiliu il suandont uorden d'alps e pastiras, il qual ei dalla ludeivla vischnaunca acceptaus

1. Ei vegniu terminau e stagiou las alps da schetgs sco suonda:

a) Per ils stiarls. L'alp da **Maighels** cul **Surpalits**, nua ch'ils stiarls han dretgs da magliar naven dil **Crest da Muschaneras** anenasi quei sut il stradun e sco il **Crest da Muschaneras** fila orasi encunter las **Pegnas** quei engiu. Plinavon ei dau tier a l'alp da **Tiarms** da pascular en cass da ruha aura tochen oragiu tier la **Gonda** sut il **Crest da Muschaneras**.

b) Per las stiarlas dall'entira vischnaunca che vegnan cargadas ei fixau las vals **Strem** e **Mila** cun **Caschlè**. Il **Caschlè** duei vegnir gudius ensem cun las stiarlas d'omisduas vals e zuar fatg il medem di quella midada ord las vals sil cuolm. Las stiarlas da **Strem** han il dretg da pascular naven dils 20 da settember davart da **Camischolas** tochen otier il **Mir**, davart da **Valtgeva** sco il **Mir** taglia via. Las stiarlas da **Mila** sil maun da **Malamusa** tochen oratier il **Run dalla Vallatscha** e dil maun da **Mila** tochen oragiu dem **Crest Liung**. Plinavon duei mintg'onn per onn cargar sias stiarlas en la medema val e stuer ni era mo saver midar entras la sort tier l'ulivaziun, perquei intent dueien mintgamai ils cauteguas era menar controlla, sinaquei che buca adina ils medems stoppien ord si'alp, sonder onn per onn auters. Stagiou eis ei mesas per val.

2. Alps da vaccas e genetschas


a) **Tiarms**, **Val Val**, **Cuolm Val**, **Nual Sura** e **Sut**, **Mut**, **Surpalits**.

b) **Tschamut**, **Val Giuv**, **Culmatsch**, **Tgom**, **Cuolm da Vi**, la quala alp sto purtar tochen 10 genetschas jastras dapli che l'alp **Tiarms**, il surpli da 10 genetschas jastras vegn repartius miez a miez.

c) **Cuolm Cavorgia** cun **Stavelsecs**, dau tier da schar vegnir giu **Pardatsch da Vaccas** ils 17 da settember, stagiou 60 tgaus.

La stagiada per las empremas duas alps da vaccas restan las medemas, per **Cuolm Cavorgia** ei fixau 4 – 5 tiers dapli che la stagiada, sch'ils pursanavels da tal'alp han quei da surpli. Plinavon ei fixau che tuts stavelcs dueien vegnir gudi.

3. Vadias ei schau liber da metter en **Pardatsch**, ton d'in maun sco da l'auter, ni mintgin sin sia pastira da casa.



4. Cavals da **Tujetsch** han, per aschiditg sco ei vegn buca priu si la jarva cavals jasters da part dalla vischnaunca, dretg sin pastira da casa, mo duessen era magliar ora d'entuorn buca mo els vitgs.

5. Ils s.v. bos entirs, tenor uorden stai igl unviern cheu per nez dalla vischnaunca e restan cheu la stad, dueien vegnir cargai cun las vaccas, ils auters bos culs stiarls, sch'els restan cheu.

6. Schau prender dapart las caschadas vegn ei concediu ils 26 da settember, nua che mintgin sa lura ira libramein si las pastiras nua ch'el vul. Per aschiditg sco la caschada ei cumpleta, duei ella star en si' alp e quei era, sche mo 4 – 5 pursanavels formassen caschada. Ils pasturs vegnan pladi tochen dar lartg e quei en particular per las alps da biestga schetga. Plinavon dueien ei stuer pertgitar tuts tiers che l'alp po purtar, sch'enzacons purs restan sin l'alp enten prender da part, sche han els dretgs da tener in ni plirs pasturs da sia caschada tochen dar lartg.

7. Davart il tener tiers a casa ei concediu da schar tener dus tiers per fiug, cass ch'il respectiv fiug havess aber in tier malsaun a casa, sche po el metter mo aunc in tier sin pastira da casa. In tier che stuess ord l'alp per malsogna, duei puspei turnar en l'alp cura ch'el ei sauns e habels d'ira en l'alp.

8. Tuttas terminaziuns restan sco tochen dacheu, cun excepziun denter **Stavelsecs** ed il **Tgom**, las **Bostgas** encunter **Val Giuv** che dueien vegnir fixadas d'in nunpartischont um. Untgidas restan sco igl uorden vegl plaida e las stiarlas dueien pil cass ch'ellas stuessen giu gl'**Uaul Flurin** sin l'untgida, vegnidas zavradas si, sch'ellas san buca turnar si **Caschlè** suenter in di e las da **Strem** dueien ira endadens il **Mir** sin pastira da **Camischolas**.

9. Per las nuorsas ei schau igl uorden vegl cun fixar mintgamai sco ils auters tiers, cura cargar ni descargar. Ils 20 d'uost ston ellas ira vi l'**Alp Tschamut**. Plinavon dueien las nuorsas da **Plaun Miez** suenter ils 28 da zercladur, vegnir tenidas naven da **Nual**, **Mut** e **Tgom** e messas cun la muntanera si **Valtgeva**, plinavon dueien ellas vegnir tenidas ord pastg da biestga ton sco pusseivel, ton si **Cuolm da Vi** sco enta **Strem**. Aschigleiti sco las nuorsas da **Plaun Miez** vegnan unidas cun las da **Valtgeva**, dueien ils pasturs dalla stad sorprender ellas da pertgitar cun agid dils pasturs dalla primavera, ils quals dueien omisdus, treis dis per in um, stuer gidar a pertgitar il pastur dalla stad. Ils nursers dueien aschigleiti sco els anflan nuorsas ventschidas prender giu la nota e tarmetter oragiu al president da vischnaunca, avon che senezegiar da quellas. Plinavon dueien ils nursers astgar duvrar mo buns tgauns, dressai da pertgitar las nuorsas e ton sco pusseivel dueien las nuorsas vegnir disadas da maner sin pastira da bietga temps d'atun, aschigleiti sco las vaccas vegnan giud ils aults, baul en in liug e baul en in auter.

10. Ariguard frietar ei concludiu che dapi igl emprem da fenadur dueien en tuttas alps vegnir serrau giu sin in toc pastira las pasculaziuns culs tiers e quei tochen cargar sco cheu fixau:

per Strem :	naven dalla tegia dils Deragischs anen.
per Val Mila :	sco la tegia fila vi e neu quei anen omisdus mauns,
per Val Giuv :	il Culmatsch
per Tiarms :	naven dalla Siara enasi
per Tschamut e Surpalits :	sco la tegia si miez il cuolm fila en ed ora, quei ensi dil maun da Tgatlens naven dalla Tgauma , pils stiarls anenasi, plinavon giudem il Stavel da Tgatlens quei ensi, allura Nual Sura e Mut
pil Tgom :	naven dil stavel enasisum graden quei ensi.
Cuolm Cavorgia :	Dil maun dalla Rieda scol pultaun da Plaun da Pors fila ed engiu quei vul dir: Plaun da Pors , las Canals ed il Tscher , duein vegnir frietai.
Pils da Pardatsch :	encunter Cuolm Cavorgia tochen si tier la seiv dils Cugns .

11. Per cultivar las pastiras ed alps duei mintgin per mintga sis vaccas stuer far in di lavur cumina en l'alp ch'el gauda e sin pastiras da casa mintgin sin sia pastira per mintga dus tiers in di lavur. Il fixar tgei lavur e nua luvrar ei caussa dil survigilader dallas lavurs cuminas, la survigilanza tier talas lavurs stat sura als cautebias e cauvtigs. Stiarlas e stiarls, sch'ei drova enzatgei, sche dueien mintga 12 tiers far in di lavur.

12. Prender alp ston tut quels che han tiers schon gl'emprem onn.

Ariguard igl ulivar las alps

Ei duei vegnir ulivau las alps onn per onn e quei da s. Gions (24-06), num en urgents impediments e quei sco suonda: In pursanavel, per exempel, il qual sto per in onn ord sia alp cun la sort, ha l'auter onn il dretg da restar en si' alp e quei entochen tut ils auters pursanavels dalla respectiva alp han in onn ni l'auter entras la sort midau alp. Plinavon duei vegnir ulivau mo en cass ch'ei muncass en in' alp pli bia che tschun tiers e sch'ei maunca pli che tschun tiers, sche vegn ei tratg ina ni pliras sorts, denter tuts pursanavels dalla alp surcargada, entochen ch'ei resta mo tschun e sut tschun tiers differenza e sche la davosa sort che duei ulivar muossa per tschun tiers dapli, sche rest'ei era ulivau. Quel il qual negligescha il dar en lur tiers per ulivaziun, sto ira cun lur tiers nua ch'ei maunca e quei mintg'onn.

13. Plinavon ei a mintg' alp surschau il dretg da, cun il pli dils pursanavels dalla respectiv' alp, far lur uordens en sia alp.

1895, ils 15 da december ei il present uorden dallas alps e pastiras da casa, terminaziuns da pastiras da casa tenor uorden vegl, vegnius approbaus dalla ludeivla vischnaunca e stabilius per in decenni, ni diesch onns.

Per mauns dalla ludeivla vischnaunca
Gion Andriu Berther
protocollist



Scharinas

1895 - 1899 - Lenna concedida da baghegiar e fiug

A partir dalla mesadad dil 19avel tschentaner ei la controlla dalla lenna vegnida praticada a moda fetg strentga. Cun la lenna da barschar deva ei denton buca bia da restrenscher, ins duvrava quella e basta e mintga fiug survegneva, mo ei stueva vegnir spargnau. Cun la lenna da baghegiar vegneva praticau pli stregn. Per quei vegneva pil solit era adina lenna veglia duvrada per l'ereziun d'in niev clavau ni casa. Quasi tuts baghetgs dattan perdetga da quei. Il bostger ni il gerau responsabel nudavan tut els cudischs leutier destinai. Aschia el cudisch «Quen della lenna de diever e de barschar pro 1895; 1897 - Quen della lenna de baghiar e de fiuc - Quen della lenna conzedida 1898 Tujetsch - Quen della lenna concedida pro 1899.» Dapli mira: Concessiuns da lenna pagina: 1497

Quen della lenna de diever e de barschar.

pro 1895.

18. 97.

Quen della lenna de baghegiar e de fiuc

Quen della lenna conzedida 1898.

Tujetsch.

Quen della lenna conzedida per 1899.

1896 - Terminaziun Val Val e Val Giuv

Val Val e Val Giuv ein stadas alps feudals entochen igl onn 1861. Tenor igl uorden d'alp digl onn 1895 deva ei treis alps da vaccas cun genetschas:

1. Val Val cun Tiarms, Cuolm Val, Nual Sura e Sut, Mut, Surpalits
2. Val Giuv, Tschamut, Culmatsch, Tgom, Cuolm da Vi
3. Cuolm Cavorgia cun Stavelsecs e Pardatsch da Vaccas

Tgi ch'enconuscha ils sura loghens ei pertschards dallas grondas distanzas denter ils differentes loghens. Quei caschunava stentusas midadas pil persunal d'alp e pils animals. Ina terminaziun ei vegnida urgenta entras il niev uorden d'alp. Pertut fuva ei necessari da ver precis cunfins ch'ins stueva risguardar e che vegnevan controllai dils pursanavels e dils pasters vischinonts.

Terminaziun e spartaziun dallas duas alps Val Val e Val Giuv

Sut datum dils 14 da fenadur 1896 ei vegniu terminau la pastira dallas duas alps **Val Val e Val Giuv** e quei sco suonda.

Nr.1 ei a **Val Giuv** sil crap gries, silla fatschada suren, tagliau ora la crusch cun nr. 1 ed igl orsal sutvia.

Nr. 2 ei en grada lingia encunter **Crest da Tiarms**, grad dadens il dutg che flessegia giu da **Plaun d'Eras**, els trutgs ei in bass crap stabel sil qual igl ei tagliau ora la crusch e la cefra dus.

Nr. 3 ei dadens il fop da **Crest da Tiarms**, circa 18 pass dadens ils tiarms veders; in gries crap stabel, sil qual igl ei tagliau ora la crusch cun la cefra 3 dasperas.

Nr. 4 ei sigl ur dador ils grugns, aschi mesa distanza denter nr. 3 e 5, nua ch'igl ei ina platta uliv cun il terren, circa 6 pass dador in gries carpun.

Nr. 5 ei tagliaus ord in gries crap stabel, nua ch'igl ei paucs pass dadens aunc in carpun quei numer ed en ualti grada lingia cun nr. 4 e 6.

Nr. 6 ei in pign tschancun orasi sul fop ch'ei suls grugns, da **Stavel dil Bostg**, nua ch'igl ei grad sul tiarm veder tagliau ora la cefra 6 e la +, quei en in gries crap stabel.

Nr. 7 ei in tschancun enasisur il sulom da **Stavel dil Bostg**, amiez la canal eis ei in gries carpun, sil qual igl ei tagliau ora la cefra 7 cun la +.

Nr. 8 ei enasisum la avon detga canal, circa 8 – 10 pass sut il tiarm veder. In buca grond crap stabel, sil qual igl ei tagliau ora il nr. 8 cun la +. Cheu rumpa ei la lingia e pren la direcziun dretg dallas bostgas vi, tochen tier

Nr. 9, il qual ei via amiez las bostgas, in crap ch'ei carschius si bostga, zacons pass dador ina pintga paliuetta, ch'ei en in fop, sin ina fatschada da quel eis ei tagliau nr. 9, la fatschada dil detg crap ei menada emcunter **Plaunca Biala**.

Sut datum dils 14 de Febr. 1896 ei vegniu terminau e spartau las duas alps Val- e Valgiuv e quei sco suonda.

Nr. 1. Ei a Nualsurb sil crap gries, silla fatschada suren, tagliau ora la crusch cun Nr. 1 ed igl orsal sutvia.

Nr. 2. Ei en grada lingia encunter Crest da Tiarms, grad dadens il dutg che flessegia giu da Plaun d'Eras, els trutgs ei in bass crap stabel sil qual igl ei tagliau ora la crusch e la cefra dus.

Nr. 3. Ei dadens il fop da Crest da Tiarms, circa 18 pass dadens ils tiarms veders; in gries crap stabel, sil qual igl ei tagliau ora la crusch cun la cefra 3 dasperas.

Nr. 4. Ei sigl ur dador ils grugns, aschi mesa distanza denter nr. 3 e 5, nua ch'igl ei ina platta uliv cun il terren, circa 6 pass dador in gries carpun.

Nr. 5. Ei tagliaus ord in gries crap stabel, nua ch'igl ei paucs pass dadens aunc in carpun quei numer ed en ualti grada lingia cun nr. 4 e 6.

Nr. 6. Ei in pign tschancun orasi sul fop ch'ei suls grugns, da Stavel dil Bostg, nua ch'igl ei grad sul tiarm veder tagliau ora la cefra 6 e la +, quei en in gries crap stabel.

Nr. 7. Ei in tschancun enasisur il sulom da Stavel dil Bostg, amiez la canal eis ei in gries carpun, sil qual igl ei tagliau ora la cefra 7 cun la +.

Nr. 8. Ei enasisum la avon detga canal, circa 8 – 10 pass sut il tiarm veder. In buca grond crap stabel, sil qual igl ei tagliau ora il nr. 8 cun la +. Cheu rumpa ei la lingia e pren la direcziun dretg dallas bostgas vi, tochen tier

Nr. 9. Ei via amiez las bostgas, in crap ch'ei carschius si bostga, zacons pass dador ina pintga paliuetta, ch'ei en in fop, sin ina fatschada da quel eis ei tagliau nr. 9, la fatschada dil detg crap ei menada emcunter Plaunca Biala.

Alpenrat
Alpenkommission
Gron. Paul. Kerthel

Nr. 10 ei entatier la ruina dil dutg, che vegn dado il cugn giu, en quella canal u valetta eis ei in pign crap stabel, sil qual igl ei tagliau 10 e la +.

Nr. 11 ei via sigl ur dalla val, dil **Run da Plaunca Biala**, nua ch'igl ei in pign crap stabel uliv cun il terren sil qual igl ei tagliau la cefra 11 e la crusch. Sco quei tiern fila si sparta ei e finescha quella terminaziun.

Ch'ei seigi aschia terminau e s'entelgiu denter ils dus dalla vischnaunca destinai umens,
attestan quels cun siu num
Gion Paul Berther



Oberalppost

1896 – Dumbraziun federala dils animals

Quei diember da tiers ei vegnius pervesius igl unviern 1895/96. 4109 animlas, da quei 1235 armauls, 2382 tiers manedels e 476 pors han duvrau in brav quantum pavel. Quei sfurzava da segar mintga scrotta e mintga pusseivladad ch'ei deva. Ultra da quei fagevan ils Tuatschins in enorm quantum fein a pastg.

La dumbraziun ei vegnida fatga ils 20 d'avrel 1896.

(Zusammenzug)

Tuatsch. Eidgen. Viehzählung vom 20. April 1896.

In den beiden letzten Fällen sind in der Spalte 1 (Statt der Nummern der Zählkreise) die Namen der Gemeinden oder der Bezirke in alphabetischer Reihenfolge einzutragen.

Nummern Zählkreise Gemeinden oder Bezirke	I. Pferde							II. Maultiere	III. Esel	IV. Rindvieh							V. Schweine					VI. Schafe	VII. Ziegen	VIII. Bienenstöcke		
	Fohlen		von 2-4 Jahren		von 4 und mehr Jahren		Gesamtzahl			Kühe bis 1/2 Jahr	zur Mast	zum Schlachten	Jungvieh von 1/2-1 Jahr	Rinder über 1 Jahr	Zuchttiere (Stiere)			Gesamtzahl	Zucht- oder Mutterschweine	Andere Schweine	Gesamtzahl					
	geboren im Jahre 1895	andere unter 2 Jahren	von 2-4 Jahren	Zucht- heilige	Zucht- stuten	Andere Pferde									von 1-2 Jahren	über 2 Jahre	von 1-3 Jahren								über 3 Jahre	
Spalte 1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27
is No. 1.	—	—	—	—	—	6	6	—	—	92	—	—	60	104	1	—	50	—	307	2	32	55	89	386	292	22
is No. 2.	—	—	—	—	1	1	2	—	—	115	—	—	96	125	2	1	51	—	390	—	28	48	76	312	285	14
is No. 3.	—	—	—	—	2	2	2	—	—	175	—	—	12	163	2	1	64	—	538	2	69	240	311	641	432	31
					1	9	10			392			279	392	5	2	165		1235	4	129	343	476	1339	1049	67

Resumé della s.v. biestga de nossa vischnaunca Tujetsch prida si ils 20 d'avrel 1896

Soliva Joh. Anton

fath ils 26 d'avrel 1896.

Survesta

armauls							pors	manedels		aviuls
cavals	vadials	stiarlas	vaccas	taurs	mugias	total	pors	nuorsas	cauras	schaumas
10	392	279	392	7	165	1235	476	1339	1049	67
Total da tuts animals									4109	

Resumé dalla s.v. biestga da nossa vischnaunca Tujetsch prida si ils 20 d'avrel 1896
Soliva Joh. Anton

Tujetsch, ils 26 d'avrel 1896